

集部

とこうることかる 一 顯於雷霆之下兹非其幸數元祐八年四月旦洪州分 章翰墨與日月並明如禹係乃得身親見之面折走節 欽定四庫全書 臣當待罪太史氏窺石室金匱之書縱觀先朝制作文 題跋 山谷別集卷十 政太宗皇帝賜王禹偁御書 山谷别樣 黄庭堅 撰

篇爾晁無咎作求志一章子瞻以為幽通當北面也此 比采子由作御風詞以王事過列子祠下作猶未見本 金云正屋人工 非欲下筆略體古人致意曲折處久久乃能自鑄偉 寧縣雙井里草土臣黃某誌 雖屈宋亦不能超此步驟也 二文他日當奉寄閒居當熟讀左傳國語楚詞莊周韓 問子膽文作何體子瞻云非詩非縣直是屬韻莊周 書枯木道士賦後) 左家藏 韵

廢學耳惜哉 解文章之味此其於翰墨之林千載人也但願以世故 取諸頌余聞斯言也歸而考之信然顧當歎息斯人妙 逐言曰九歌蓋取諸國風九章蓋取諸二雅離騷經蓋 書聖庚家藏楚詞 書韓文公均樓山詩後 厚皆為余言楚詞蓋有所祖述余初不謂然子厚

Soul Diene Linkelin

小谷別集

科斗拳身難葉披當作難倒披按山海經說岣嶁者衛

金にしたん 詩未有此作雖杜子美無備衆體亦無此作可謂能詩 山之別名也的讀如尚樓讀如樓今俗讀如病僕又讀 岣嶁山詩齊公禅寂之餘無喜儒學故并飲余所聞遗 里高四千丈今山出地者蓋少想以山顛名之的樓者 人中千人之英也顷因雲龍寺道人景齊請余大字書 鉤樓又讀如拘留皆非是道家說岣樓山周旋二 顛也韓退之作此詩與華山女桃 源圖三篇同體古

醫也或問不俗之狀余曰難言也視其平居無以異於 叔夜此詩豪肚清麗無一 為諸子弟言士生於世可以百為唯不可俗俗便不可 以付複可與諸即皆誦取時時諷詠以洗心忘倦余當 便可撲去面上三斗俗塵矣何况採其義味者乎故書 俗 不成誦在心想見其人雖沈於世故者暫而攬其餘芳 書松叔夜詩與姪榎 臨大節而不可奪此不俗人也士之處世或出或 , 點塵俗氣凡學作詩者不可

Calonal Al Anto

山谷別集

蘇溪作此歌余當問深知教相俗諱人皆其能說收護 金プロトノニー 去繼有數人起舞皆陳述已事而始末略同問其所以 十句皆放買人之樂末云一言為報諸人倒盡百瓶歸 木分其詞有云聽說商人木分四海五湖曾去中有數 宿雲安野次會其人祭神罷而飲福坐客更起舞而歌 之義余首在巴妙問六年問諸道人亦其能說他日船 處或剛或柔未易以一節盡其蘊然率以是觀之 題牧護歌後

三年八月宜州喧寂齊重書 為木瓠蓋刻曲木狀如蘇擊之以為歌舞之節云乃悟 2217111111 收該蓋木瓠也如石頭和尚因魏伯陽參同與也其體 不知者輒改定以就其所知耳此最校書之病也崇寧 二篇皆太白作無疑蓋醉時落筆成篇人輒持去他日 此篇皆太白作而不同如此編詩者不能決也予以為 便皆似之編傳燈錄時文士多麗翰墨於其間故其 題李太白白頭吟後 上谷別集

金定四库全書 連城之璧操之甚栗中道而毀豈能使人無既於心哉 天之除未當置言是鶴之短長物固不能齊也雖然有 造之甲申十月癸五龍水市居喧寂齊書后度光氏成 士之學期於沒而不朽君子之道百世以俟聖人故毒 杜子美巢父掉頭不肯住一篇况數句参差不齊蓋亦 士大夫求其葉不能盡憶前篇則又隨手書成後篇耳 此類蓋可俱列不當去取也高德修好文而多能故書 書范子政文集後

范正民子政余不及友也於余親友聞其人又得其言 ろこうこうこう 或謂子政父祖皆名世士自宜如此應之曰文王割亨 年三十試吏單父方使者剝膚椎髓取於民以自為功 皆可傳後問其所與游則司馬溫公愛之問其為更則 賢於人遠矣元祐二年三月庚午豫章黃某書國所 王能問叔旦學而薦之管蔡不食誰能强之則子政 政以歲機獨拾單父民賦十九雖蚤世可以不朽矣 山谷别集

忠州半都山仙都觀朝金殿西壁有天成四年人書陰 為之間涕建中靖國元年八月乙卯某題在家藏 金云四庫至書 物詩云豈弟君子胡不萬年惜乎室木拱矣觀此遺墨 甥舅禮意見畜出入閨體無問然自有物外相知之鑒 細觀其內行冰清玉潔視金珠如糞土未始凝滯於 公擇先生疏通遠大君子也住歲某當從學數年雖以 書陰真君詩後 跋李公擇書 7

レン・フィーノル 浩翁放逐點中既無所用心頗喜弈棋紹聖四年 者乎紹聖四年四月丙午點中禪月樓中書 之之季子觀陰君所學守屍法耳猶須擇師勤苦如是 考之信然因試筆偶得佳紙為鈔此詩以與王瀘州補 乃能得之何况千載之後尚友古人求知道德之主室 真君詩三章余同年許少張以為真漢人文章也以余 丁未偶開韋昭博弈論讀之喟然以為真無益於事誠 書博弈論後 山谷別集 <u>ئر</u> F

金定口庫全書 成山谷老農書 文武任赫赫於世故書此箴以贈行元符二年正月原 部曲警備江門窮僻無他可樂但得日力讀書必將更 晉成陳端夫由武成學入仕其意常欲一自洗於俎豆 來不信斯言有如點江云 陶桓公所謂收豬奴戲耳因自誓不復弈棋自今日以 問雖在軍壘未當報詩書也會新書復試換法方領 書高彪作督軍御史箴後

書適余有心腹之疾是日小阴試筆書此文大同有意 少年以文章翰墨見强尚有中州時舉子智氣未除耳 寓舍在城南屠兒村側莲雚柱守龍絕同徑然頗為諸 於古文故以此遺之時陪翁自點南遷於輕道三年矣 元符三年正月丁酉晦甥雅州張大同治任將歸來乞 至於風日晴販策杖扶蹇蹶雅容林止之下清江白石 之間老子於諸公亦有一日之長時浩翁之年五十六 書韓愈送孟郊序贈張大同

SIR TOWN Jets

山谷別集

金定世尼人三世 熱余又多病久之不能書元符三年十二月於卯余縣 也出以示余余告之曰此祕閣常木板刻法帖李廷珪 **僰道有衣藥院者家藏書一軸自珍之不深別其玉石** 病足不能拜心腹中芥帶如懷瓦石未知後日復能作 墨所作墨本也寫書一卷易之可乎表欣然見聽會夏 如此字否 解舟於僰道長年三老輩湯豬餵武侯久之不還意其 書丹青引後

生書小榜一本最端謹媚麗世因謂之王右軍書蓋不 者史慶崇楊中王何裕道楊咸孺孫仲安廖宣叔張大 已縱横卧廟中矣舟中無他事遂書此卷遺乘觀書 Call lot Little 姚誠老書佛垂般涅盤略說教戒經用筆有意態惜乎 同蔡次律道人李潮書 知弘始四年譯出此經右軍沒已數年矣又有參軍 不能者老果其能事也世有貞觀中軟書班行一作經 書姚誠老所書遺教經後 山谷別集

某書 誠老今桂之與安秦少游播還指海誠老有先後奔走 整書大字一本筆法亦勁潤宋宣獻書法度多出於此 崇寧四年二月庚戌夜余當重醖一格逐至沉醉視架 觀其遺書三數不能已崇寧二年四月十四日脩水黄 上有凡子乞書紙因以作草方眼花耳熱既作草十數 之義可謂不以險易易其操不愧此波羅提木义者也 書自作草後贈曾公卷

金好正是人

余寓居開元寺之怡偲堂坐見江山每於此中作草似 年六十一書成頗自喜似楊少師書耳 豐曾公卷公卷智中殊不凡又喜學書故也山谷老人 得江山之助然類長史狂僧皆倚酒而通神入妙余不 行於是耳目聰明細閱此書端不可與凡子因以遺南 人へういか ノンニ 蹶計逐不得復如醉時書也顧况該白髮出嫁官人云 酒忽十五年雖欲善其事而器不利行筆處時時 書自作草後 山谷別孫

金母にたノニー 意耳茍能師用賢智為民與利除害恭儉忠信則細侯 彭水今田師敬下車未能一月余觀其規摹必將惠及 準擬人看似舊時山谷草書無乃似之 可見古人所行皆不遠於人情令人可及也顧當少加 鰥寡因其乞書書此二良吏傳贈之令人常恨古人不 公君在吾眼中矣此書不數年已傳三主而為楊君照 有楊君云其伯氏欲取入石恨此書未工耳某題 書郭伋杜詩傳後

・ハーフ・ハー 忻州戎為計吏在蒲因輟所實徐公浩真蹟一屏以為 詩可與族中共觀知酒之利病如此 諸少年尚承其風澤時有與於者耶因子立乞書書九 怕怕退讓醉而温恭中竊自喜黃氏諸祖之遺慶深長 往時族中多屬於酒二十年間兩還故里見族子弟旨 司空圖書屏記云先大夫徴拜侍御史退居中條時李 書司空圖書屏記 書贈聞善飲酒詩後 山谷別集

壽凡四十二幅八體皆備所題多文選五言詩其朔風 金定四月八二元 太白詩因為書此四篇觀者當知此書作於瘴霧黃日 宗室行父在官宜春與余伯氏元明同即故於余雖無 小簡於其下記云怒稅挾石渴職奔泉可以視碧落矣 動秋草邊馬有歸心十數字或草或綠尤為精絕或級 桄榔橄欖陰中 一日之雅寓書二千里外來問寒溫且乞余書偶閱字 題所書李太白詩後 7

余往在江南絕不為人作草今來宜州求者無不可或 書自作草後

問其故告之曰往在點安園野人以病來告皆與萬金 不庸者引一箇來問者莫不絕倒

徐李海書惟此一種有右軍父子筆法而無俗氣如開 良藥有劉薦者諫曰良藥可惜以陷庸人笑而應曰有 題徐浩題經

河碑超軼孝子码老重然終非王家苗裔也頃見蘇子

次已日至人一里

山谷別集

蘇公長年書筆力豪肚萬李岂徐浩之所長士大夫乃 以為不如少時書此陽春白雪難為和者耶 之如楚王左右以為令尹復生耳 胡英集王右軍書如優孟抵掌作孫叔敖書家尊而奉 忠恕敢字源後乃知當代二公極為别書者家傳 瞻錢穆父論書不取張友正米芾余殊不謂然及見郭 金はした人生 題蘇子瞻元祐題目帖 題萬嶽寺碑集王義之書

文三日三八十二 余管評西臺書所謂字中有筆者也字中有筆如禪家 白中有眼他人聞之瞠若也惟蘇子瞻一聞便欣然耳 無咎陳無已方駕於翰墨之場亦望而可畏者也 子由作賦行餘而盡變二公已老而秦少游張文潛見 鉛欲頓挫城奇賦欲弘麗故子瞻作諸物銘光怪百出 題李西臺書 題蘇子由黄樓賦草 題祭君謨書 山谷別集

處 七故是行後之羽翼耶 畫不必問立本要為工書不必待逐良要為能重言 **君誤書如蔡琰胡笳十八拍雖清肚頓挫時有閨房態** 公也二鳳毛聖庚存道也永思堂書 温公人物所謂主璋特達者也書所謂元君公亮人 題司馬溫公與元氏簡尺 題诸書問立本畫地狱變相後

とこうら こかう **轅下者不知輪扁鉛輪有不傳之妙王氏以來惟顔會** 右軍自言見春家及漢石經正書書乃大進故知局促 聖庚以王事行忘鞍馬之勞而以詩句賞江山可謂能 不息者也 公楊少師得蘭亭用筆意 題范氏模蘭亭紋 題范蜀公和聖庚詩 題元聖庚富川詩 山谷別集

畏之於元皆 金以四月八十五 禁架之術自古誠有之余觀王環病良苦豈非坐多食 工之書往其病均耳 蜀公事昭陵裕陵有汲黯之風觀其紙尾遺墨使人點 工遣萬里之使而以不急之務來返萬里之使而以不 姪榎萬里來求書法此不急之務也會予晴痛書不能 跋楊妃病盛圖 姪複求字書紙尾 氏得

へん ついっ かん 真な 最 劉退夫作研屏求乞小字試為臨寫蘭事真成聽女棒 陳壽钦武侯躬耕雕畝好為梁甫吟語勢既不盡其意 亦小窘矣嗚呼移此心以及天下為如何耶於傳 侧生逐動搖其左車乎阿瞒在旁憂戚之心形於顏面 心但使人捧腹耳紹聖四年十一月乙卯摩圍閣中書 書臨寫蘭亭後 跋梁甫吟 Ī 小公別集 山

學者揭六藝以趨新古學湮替致歎無所江夏李樂道 意所指豈既作此詩時時為客歌之故云爾乎分藏于 金定四庫全書 獨精思於古文類非希價於成陽者也時 尤晉 謂又失載此詩此蓋好簡之過余觀武侯此詩乃以曹 公專國殺楊修孔融荀或耳但云好為梁甫吟不知壽 氏陵 為 題李樂道家韓文公五箴後 松滋題子瞻畫 卷十 刻有

欠っしついきんから 前身范寬後身陳遲荒林亂石雪失東西中有活翁之 然未能端冕而有德威也 歐陽率更書所謂直木曲鐵法也如介胄有不可犯之色 守宗防游軒冕有丘壑彈鳴琴無歸鶴蘇仙翁留醉墨 子瞻當為趙景仁作竹條怪石一紙余替之曰趙景仁 恩處世殊不能窺其潘離九五五氏 題陳遅雪扇 題化度寺碑 山谷别集

其風聲氣俗見於筆墨問造作語言想像其人時作東 處逐無一筆可尋丹陽高述齊安藩收其人皆文藝故 得其髮第至於老重下筆沉著痛快似顏會公李北海 東坡先生書制東西士大夫無不規摹頗有用意精到 余言求之思過半矣東坡書彭城以前猶可偽至黄州 後掣筆極有力可望而知真獨也建中靖國元年四月 坡簡罪或能亂真遇至鑒則亦敗矣不深知東坡筆用 跋東 坡思舊賦

前有醉道士歌此曲廣陵市上童兒隨而和之乃盡合 其故時語此道士去後乃以物色逐之知其為吕洞賔 愛其文彩指趣而不能歌也中間樂工或按而歌之軌 以鄙語電入粹然有市井氣不類神仙中人語也十年 ひまうし かない 乙未早發峽州舟中書方皆 一十年前有一人書此曲於州東茶園酒肆之柱間或 跋秋風吹渭水詞 山谷川樣

金定四庫全書 昔人也或題鬼門關柱云自此以往更不理為在生月 後十二年觀此詩於我州城南僦舍所謂吾猶昔人非 日真不虚語元祐三年黃魯直元符二年陪問題后有 有先竹於胷中則本末暢茂有成竹于胷中則筆四 不可使士大夫不知此味不可使天下之民有此色 題畫菜 題所和東坡與王慶源紅帶詩 題楊道孚畫竹 卷十二

A lotine Lithin 1 之解牛梓慶之削錄與清明在躬志氣如神者同一樞 文潛之甥也宜有外家風氣吾道孚人物英秀文章自 内藏於識不似則畫虎成狗畫行成柳又何怪哉觀此 紐不容一物於其中然後能妙若夫外於衆人議已 而覺至於筆墨而與造化者同功豈求之他哉蓋庖丁 物俱化津人之未當見舟而便操之惟其熟也夫依約 竹又知其人有韻問其主名知其為克一道字吾友張 不凡使智中有數千卷書便當賞購千金安用乞靈於 山谷別集

然烈風偃草木客子當藏舟入浦敞中强人力牵 金ダビアノンラモ 往時在都下尉馬都尉王晉即時時送書畫來作題品 何之耶雙井水思堂書 文湖州哉 輒貶剥令一 圖燕貴之來是雲仍也窮山野水亦是林下人窠窟 題北蘇校書圖後 題遠近圖後 錢不直晉卿以為過某曰書畫以韻為

漢書然此書亦不可棄亞栖所不及也 剛木此十字用筆不實决非素所作書尾題字亦非君 觀此詩草决定可知是育中瀟灑人也活翁書 觀予此語三十年後當少識書畫矣 足下囊中物無不以千金購取所病者韻耳收書畫 予當見懷素師自敘草書數十字用筆皆如以勁鐵書 シストラ いっこい 跋李太白詩草 跋懷素干字文 山谷別集

想見也今時論書者憎肥而喜瘦黨同而好異曾未夢 金丘正左人二 骨肉相稱觀其筆意右軍清真風流氣韻冠映一世可 涪箾題 見右軍脚汗氣豈可言用筆法耶元符三年四月甲辰 此本以定州嗣亭土中所得石摹入崇梨板者字雖肥 唐太宗妙於書故高宗雖潦倒怕婦筆法亦極清勁 跋唐玄宗脊鴒頌 **跋蒯亭記**

其祖耳 次三日東八五五 宗書班班猶有父祖風此如長沙王十世後孫子猶似 竹木充實 書真印偶不可解也若有人捕得可於子瞻處請數村 唐彦敬錢榜父皆學歐陽率更當得其努騙者 **跋東坡寫老社岳麓道林詩 跋東方朔畫** 跋唐彦猷書 山谷別集 九

杜祁公七十老人書自能如此亦自難得 子發臨書殊勁但弁使古人病韻耳 蘇長史用筆沉實極不凡然四十年來絕難得知音也 東方生畫精用筆極痛快時傅拳去真甚遠猶可喜 こじしたとう 跋杜祁公帖 跋周子發帖 跛張伯益帖 跋蘇子美帖

多得古人法雖有筋骨而傷肉至伯益學之只成世間 張伯並作篆字殊有不凡處作真行乃如此李留臺書 名天下故能工耳 風肥人耳 余皆論潞公書極似蘇靈芝公曰靈芝墨椿耳蓋不肯 **君誤渴墨帖髣髴似晉宋問人書乃因倉卒忘其善書** 跋蔡君謨書 跋潞公帖 山谷别集 Ŧ

成者耶 與靈芝爭長今觀到洛為兒子赴許昌帖筆勢清勁真 金玩口戶在三百 余書十棕心扇未敢謂毫髮無遺恨不幾乎波瀾獨去 不愧古人元祐二年正月八日黄某 注啟初注在江陵與吾姪相見時未得飲宗派今日 書棕扇 會幸露底裏始吾高祖本東陽人與吾姪五代祖 跛七叔祖主簿與族伯侍御書

欠こういれんかい 寧上遺種之地伯仲非不睦也終以占田稍艱勢阻 實親昆仲也唐季畔海思避兵難乃攜持書室來分 仲幸五人中進士科其他派皆汨汨與常民等語之 不如同姓此誠古人切切厚其親也分寧之宗我伯 於曹鄭魯衛罕有不睦於齊楚之國干戈日尋詩曰 得談昭榜之舊喜可知也昔者晉霸天下執牛耳盟 場屋初得與先文侍禁紋宗戚過來不過二十年後 飢逐一族賈于長沙世移事變宗盟逐寒我先兄游 山谷別集

梅甫雅意本朝以孙遠論國家大計知無不言應詔西 愛歎其才稱之不容口不幸明年逐捐館舍於南陽耳 此書乃七叔祖作南陽主簿時族伯父晦甫侍御稅宗 盟書也叔祖夢升是時年四十文章妙一世歐陽永叔 宗以無忘我先君伯仲辛勤避兵之势也旅中苦病 長沙分寧兩宗問真賢子弟也吾有所望姪大振吾 衣食之事未甚墜也長沙之宗惟吾好秀異不羣於 氣且歸南陽飲此不及款款注奉削晦甫宗盟

イング U. F. Corpe

某敬跋右得於侍 使同時遇合未知孰先孰後也然不幸得人間四十年 叔祖夢升學問文章五兵從横制作之意似徐陵庾信 建中靖國元年三月丙子諸孫朝奉郎新知太平州黄 過人者不得少見于世于今兩宗人物眇然堪為流涕 西不幸以疾殁於三衢二先生皆吾宗之豪傑也其大 これ ラニュノニュ 爾使之白髮角逐於英俊之場又未知與歐陽文忠公 跋歐陽文忠公撰七叔祖主簿墓誌銘後 山谷别集

孰先孰後也夢升既乖牾不逢當以文哭世父長善云 金定四座全書 質力學不休安知來者之不如今也紹聖元年五月諸 高明之家尚為鬼販子之文章宣無物憾蓋自道也安 鼻味苦不可於舌故常屏之未始為客一設雅聞簡寂 余生長江南里人喜食苦筍試取而嘗之氣苦不可於 世十三弟秀而不實使人氣塞於今孫曾特多英妙之 孫某記五家藏 書自作苦筍賦後

危聖所未達者耶故作此賦以曉蜀人方告筍時幫薑 春則不食唯僰道人食苦筍四十餘日出土尺餘味猶 觀有甜苦筍每過盧山常不值其時無以信其說及來 うべつ ひら シュナ・ラー 未當能作病也右有 甘苦相半覺班筍軍皆苦淡少味蓋神農之所漏有華 和臨然茅火中而薦之目食百數至老不可食而後已 黔中點人冬掘苦筍前於土中才一寸許味如蜜蔗而 題東坡像 山谷別集

金安ロドノニュー 吾見東坡於彭蠡之上其貌不爾紹聖之末有僧法舟 元祐之初吾見東坡於銀臺之東其貌不爾紹聖之元 於惠州之市其貌不爾而彭山石瑜作東坡之 東坡年家子也而謂之然余安敢獨謂之

欽定四庫全書等

詳校官庶吉士臣胡 鈺 檢計臣何思釣覆勘

校對官編修臣勵守無 總校官進士臣朱 鈴 騰録監生日薛夢陽

STREAM TO FAIRTHEN 夢或告之曰毉王子 姚君之方得無悉後 海於意皆世之發 黄庭堅

金安匹尼在言 能使人爱信其人决非偶然王定國以罪竄後數月君 闡 王也今神目姚君以為豎王子益言其方有所師承云 月巳夘涪翁書 王韓石刻此記其人益可與同憂患更盛衰者元符、 彦輔是者御之孫决王公貴人生死禍福當面追郭 劉相國斯春之既未已必且播選境表已而皆然為 姚氏父子經方授之於成都藍毒謂老藍者也夫監 書贈日者柳彦輔

文三日年八言 一 余言二三貴人事在一歲間亦難言哉又許余官職云 和尚鼻孔也 事度諸有情於此薦得則一枝一葉一點一畫皆是老 想見高嶺乃知大般若手能以世問種種之物而作佛 云大體見於六十二故書過之丙戌年當一沒也崇寧 **元年閏六月甲戍脩水黄某書** 過橋山會芝公書記還自衛表出師所畫梅花一 書贈花光仁老 山谷別集

奉酬也 得展玩洗去煩惱幸甚此月末間得之住也某有梅花 余方此憂患無以自娱願師為我作两枝見寄令我時 九為陽數而日月並應俗嘉其名故以饗燕高會是月 詩東坡居士為和王荆公書之於扇却待手寫 時曹子桓贈鍾元常書云歲往月来忽復九月九日 律中無射言草本凋落無有射餘於時黃花紛然獨 几月九日書贈初和甫

スミコラントラ 貴謹奉一東以助彭祖高人 甚 子桓元常所以立名於世吾極不解獨喜其知九日黃 悲冉冉之将老思養秋前之落英輔體延年莫斯為 如驚弦之鳥見機之鷗余故樂以古人之風贈之 可實耳仍公盧泉三章叙記官河外相與友善之可其外先生書此贈初和甫當時無詩今集中有 非夫含乾坤之中和體芬芳之叔氣安能致此故 刻失大夫詩跋 山谷別集 入初和甫節行甚美其厭世 如 胚

莫能得其要領其居軟能長雄其等夷初欲以鐵冶致 萬金乃去而以詩書發身既而治功且敗且成如是二 **眉山吳周才季成智術能龍庫祖以朝三暮四用人** 来哲某記 子不肖晚而學詩懼從言之幾絕故刻諸星子灣以俟 先大夫平生刻意於詩語法類皆如此然世無知音 小 餘年照鏡見白髮則自歎曰吾其於此子因刻意 書送李愿歸盤谷序遺吳周才

Nr. 10 in 112 刻石 其屋鱗鱗也因書盤谷之歌遺之季成之老於金箱其 教其子不受金錢聚書聘士與其子居築金箱浩之盤 送窮文盖出於楊子雲逐貧賦制度始終極相似而逐 中為屋百楹将老馬犍為之俗謂江之瀼水為治季成 所卜禁在山阿江紅之上下金箱者見其垣表不見 力以詩書顯子皆觀是篇可以得意山谷老人書 跋韓退之送窮文 山谷别集

多得賴魯公東方先生畫黃筆意雖時有遺筆不工處 崔伯庭之達旨蔡伯暗之釋海僅可觀馬况下者乎 美也至於追逐前人不能出其範圍雖班孟堅之實戲 學解擬子雲解嘲柳子厚晋問擬枚乗七發皆文章之 大緊擬前人文章如子雲解嘲擬宋玉答客難退之進 貧賦文類俱至退之亦詣戲而語稍莊大采過逐筍矣 東坡當自評作大字不若小字以余觀之誠然然大字 題東坡大字

金定匹尼全書

要是無秋毫流俗元符三年十二月甲辰夕天下雪而 賦余當疑非王令遺墨豈古本既零落後人附託之 周越少收飲筆勢亦可及此 大寒呼酒解指券乃能書比山谷老人題 雖去婆婿不及定州石刻清勁然亦自有勝處洛神 聖元年六月乙未上藍院南軒同程正輔觀唐本蘭 題唐本蘭亭 魏鄭公砥柱銘後 山谷別集 卯

謂我但見其無媚者也吾友楊明叔知經術能詩喜屬 慕 馬故觀砥柱銘時為好學者書之忘其文之工批 所 仁有責難之義其智足以經世其德足以服物平生於 余 平生喜觀貞觀政要見魏鄭公之事太宗有愛君之 官不以得上官之面陵其下可告以魏鄭公之事業者 文為吏幹公家如己事持身潔清不以夏畦之面事上 也故書此銘遺之置砥柱於座旁亦自有味劉禹錫云 道劇類波我心如砥柱夫随波上下若水中之是既

金丘匹庫全書

營丘王聖徒守忠州其治民事如庖丁之解牛其槌吏 史子山請鏡諸石 靖 不可以為人師表又不可以為人臣作則砥柱之文在 悦下官之所不附明叔亦安能病此而改其節哉建中 CALID HOLL ZI MIND 並得兩師馬雖然持砥柱之節以事人上官之所不 國元年正月庚寅聚船王市山谷老人獨下書瀘州 如病樓之承期故不幾時郡中無一事頗以轉组求 書樂天忠州詩遺王聖徒 山谷别集

意詩遺之使知予欲桑然於其間而不得也紹聖三年 樂天平生行樂處集歌舞醉其僚子故書樂天忠州得 東坡墨戲水活石潤與今草書三昧所謂閉户造車出 合轍 龍者數百年世黃為冠嚴穴穿矯度結屈久伏而發 一月初七日治翁書 題東坡水石 題作卷

若有神物嚴東北有荔枝初亦不實宗德既作養鬱鬱 啓志完照檢試卷是日侍御史日晏不来為子發書 若受前後元符之元冬十一日 復中器之成季明畧無咎弄文元忠退叔子發君時 天 元祐三年正月乙五鎖太學試禮部進士四千七百三 經父知舉熙叔元與彦衛魯直子明參詳君則希古 二人三月戊申奏號進士五百人宗室二人子瞻幸 題太學試院 山谷川集

國三年丁卯同来時左綿道人思順開法席於此山道 白鹽之崇好想少陵之風流數大雅之不作徘徊久之 天水張茂先世家南昌黄某魯直弟叔向嗣直建中靖 歸心荆棘草菜化為金碧時新雨晚晴同登鍾閣觀 谷老人稅駕而飯嘉作亭之意為書此榜崇寧之元 月之吉實乙卯黄某云 題固陵寺壁 題胡氏所想亭壁

金戊匹产全書

久三日日八十 徘 堂觀四山急雨草木皆成聲崇寧元年五月甲子晓發 黄 某弟叔豹姪柄子相及朱章劉義仲李彭同来瞻永 東林石刻 某自江西来會王宰朱章道士湯居善周虚已於此 個不能去崇寧元年五月癸史 師素像觀碑陰顏魯公題字愛碧養流泉凌厲暑氣 題西林寺壁 題太平觀壁 山谷别集

集書家定為漢章帝書繆矣章草言可以通章奏耳干 時治翁年五十六矣五時 字乃周興嗣取右軍帖中所有字作韻語童帝時那得 金厂工匠之言 作草撥忙作此殊不工古人云匆匆不暇草端不虚語 元 符三年七月二十三日余将至青衣吾宗子舟求余 之疑只是蕭子雲書之最得意者 **跋章草干字文** 書自草李朝八分歌後

此書往来研味髣髴見古人同觀者潘你老仲達李文 亦翰墨中異人也繫舟譽口蕭散於寒溪西山之上携 歐 陽率更都陽帖用筆妙於起倒林夫臨摹殊不失真 くこつ シーニー 繆蒙讀如綢繆束新之繆漢以来符璽印章書也李元 不甚知名益翰林書藝之流今日藏之亦足以廣 陳元矩何斯舉 跃歐陽率更書 跋繆篆後 季元輔書 山谷别集 間

此子不得不辨也 劉侍讀君敬文忠公門人也而比帖云文忠公文字 見備討尋不可察也 及平生所施設無一 誇東坡師縱横說而不考其行事果與縱横合即 術肯理人意流俗亦多信然會不知文忠公著文立 異也盖數十年前已有如此等語今人又百倍於劉 劉敬侍讀帖 一不與經析合也至近世俗子亦 畔

為之方事急時便以意成久之或不自識也比来更自 少時喜作草書初不師承古人但管中窥豹稍稍推類 鍾離改尾

知

所作韻俗下筆不劉離如禪家黏皮帶骨語因此不

作時有委無素者煩為作正書正書雖不工差循理

爾今觀鎮離壽州小字十字無媚而有精神熟視皆有

墨因知萬事皆當師古往時翰林侍書王著補永禪

干字筆圓意足至書家尊之此書正當為行然公序

山谷别集

SAND IN A MAIN

小指左妙更於行問置小档使文質彬彬當更勝爾元 左右經遠遂號為草書耳不知與科斗策隸同法同意 得余手寫因為作草書近時士大夫罕得古法但弄筆 余既追韻作此詩寄周彦周彦抄本送元師元師更欲 祐三年八月甲中門下後省書南昌黄某 藉才 的有悟處而不能盡其宗趣其餘碌碌耳江安 百年来惟張長史永州狂僧懷素及余三人悟此法 跃此君軒詩

當復来別我既而其年果来相見但乞此君軒詩而已 STATOL ALLO 叔度之為人比来士大夫學此書好作芒角鎮利政 **咄嗟而成文不加點 一卷** 作戲弄筆墨可意 元符二年冬来訪予於僰道約来春三月予必東歸 **北灘上作小草亭尉李相如為余開兩寫極明與故** 陽率更書温良之氣襲人 題歐陽率更書 山谷別集 第 然即之則可畏煽似吾家

金テレナノイー 墓中柴車路暗光已久歸人望烟火稚子候簷隙問君 種 如 亦 巢爾山谷云姑 畓 此 何為百年會有後但願桑麻成蠶月得紡績素心正 此 在東拿苗生滿阡陌雖有荷柳倦獨酒即自適 開徑望三益 跋江文通擬淵明詩後 江文通 於文選可斷不疑也而逐編入 擬淵明詩文通自有序述又梁昭明太子 刻有 湖明集中又注云 Ð

徐 八色可見と言 深雪天下横議徳占者因師川来乞書故及此冀師 王毀於續中未當不順涕也今師川尚能似其先人 加意於大者遠者儒者所以為緣飾不必盡心馬 磊磊殊不類童子每令徳占心醉六經知其要處追 或謂非淵明所作是猶云或謂日生於東而沒於西 師川奉議少成蚤立余聞師川同學諸生言師川胷 未敢斷以為必然也 跋所寫近詩與徐師川 山谷別集

此 然後快於其心者聞食無求飽之言亦可少愧矣夫 五觀教之本也士大夫能勢心學之逐世無問之道 自甘為派俗而不悔豈不哀哉 發憤忘食樂以忘憂在齊聞韶三月不知肉味盛德 今士大夫為一飲一食之故至於忿怒叱咤鞭笞左 翁曰禮所以教飲食之序教之末也所謂曲禮也今 書食時五觀後 至於此夫子亦人也我亦人也而絕意聖哲之

時富貴見後貧窮年老浩歌歸去樂從他人喚住山翁 したしい という 問逆推超支機於驚衛一拳垂示露赤體於龍奉聞 養黃某題 屋逆賛一句樓上安樓不如借水獻花與一切人 堂清公所作全提全示無有少利順替一句屋下盖 老師影絕妙諸本余欲彫琢數句莊嚴太空適見西 元祐八年十二月通城陳脩已為智嵩上座寫晦堂 題黃龍清禪師晦堂替 山 谷判集 供

涇原部將故書此猛士 冒鋒鏑報國之詩遺之可令人 是色中老儒楊景山乞書因取嚴永舊無心奏核筆 漏下三刻所偶案上有墨潘一升許几傍或置此卷云 元符三年庚辰九月壬午青神縣尉廳東之退密堂夜 誦於軍中以飲酒山谷老人題 與楊景山書古樂府因跃其後 **跃東坡書寒食詩** (意谈書欲盡予間景山之子達才武自將今為

帝笑曰鄉當親舊同朝僚友以有餘助不足縣官當怒 東坡此書似李太白循恐太白有未到處此書無顏魯 東坡此詩盖嘲蒲傳正傳正請於先帝欲寄金賙之先 くこうこ H 公楊少師李西臺筆意誠使東坡復為之未公及此 卯 東坡或見此書應笑我於無佛處稱尊也 跋張長史書 **欧東坡嘲巢三** 山谷别集

金牙也是人 顛之名不知是何種語故每見猖獗之書報歸之長中 顛逸故謂之張顛然其書極端正字字入古法人 此亦奇書但不知所作以為長史則非也予當於楊 置 耳 公家見長史行草三帖與王子敬不甚相遠盖其姿性 山嚴君可國士也不憚數舍之遠訪子於叙南能舍 書座右鉛遺嚴君可改其後 之如獲重寶相與終日抵掌談笑至於論 用

格不凡也元符三年九月已卯某書 手書座右 陳氏醫三世名兩蜀不牽獨暖富贵先召即往于公為 **被吏以其活人多故高其門况醫人之司命乎故書陰** 非成敗愈久不厭 字以遺之元符元年三月 書陰徳字遺陳氏 跋登江州百 龙亭懷荆楚詩 銘以贈之伊歸以遺其子椿椿雖少聞骨 山谷列集 日告余以歸頗不忍捨其去故

右 集皆佳句也崇寧元年八月壬戌来集斯亭其甲子又 葉子者也按彩鸞隱居在鍾陵西山下所書唐韻民間 宗素律列之堅石後来者得觀覧馬脩水黃庭堅題有 百花亭梁大同三年刺史邵陵王綸所作此詩出英華 刻石 四顧徘徊帳詩人之不可見因大書此三詩遺寺僧 像人吴彩鸞書孫恤唐韻凡三十七葉此唐 **跃張持義所藏吴彩鸞唐韻** 八所謂

金好匹庫全言

林 次足四車人子 多有余所見凡六本此 游親戚即 處士書清氣照人其端勁有骨亦似斯人涉世也即 元直游東坡雲霧中風氣殊勝由此觀之豈可不擇 人所補氣韻肥濁不相入也 **政東坡海市詩 跋東坡與王元直夜坐帖** 題林和靖書 山谷别保 本二十九葉彩灣書其八葉

此 動 石 東坡乞得海市不時見光景神物亦能愛魁磊之士乎 紹封之子會與外 **蘓明允弄筆所成猶有文章關鍵所以子瞻之文震** 潤竹勁住筆也恨不得李伯時發揮耳 書 世豈非所謂積水成淵蛟龍生馬者乎 題東坡竹石 改老蕪先生所作王道矩字說 相學士山居詩題其後 甥張協於私氏為友壻子来青衣

鐵柱杖詩雄奇使李太白復生所作不過如此平時士 NAME OF STREET 此字和而勁似晋宋問人書中有草書數字極住每能 認家好因識紹封紹封来乞書曰使會他日以為相見 一資今日魯直即他日魯直又安用書為質耶 夫作詩送物詩常不及物此詩及鐵柱杖均為瑰瑋 也 **跃東坡鐵柱杖詩 跋東坡蔡州道中和子由雪詩** 山谷別集 1

金欠正压人言 摩圍閣老人書 此書當與與可老竹枯木並行也 如此便勝文與可十倍盖都無俗氣耳 楊明叔作墨瀋請作大字試舒城張真筆燒燭寸餘 十年作草今日乃似造微入妙恨文與可不在世耳 聖三年九月壬寅林表亭與東菜召東王對巷罷眉 戲草秦少游好事近因跋之 跋所書 戲答陳元興詩

郭熙元豐末為顧聖寺悟道者作十二幅大屏高二丈 成都范子功家忠報禪院僧慈元以鹽亭四尺繪之 可贵也元符三年九月丁庆觀於青神為漢侯所作 共觀之子由嘆息終日以為郭熙因為養才翁家墓 幅李成縣雨從此筆墨大進觀此圖乃是老年所作 山重水複不以雲物映帶筆意不乏余當招子瞻只 跋郭熙畫山水 **跋牛頭心銘**

次足四年至三

山谷别集

†

於事乃大書牛頭心銘與之范氏不學則已學則必以 有德其幼牡好文今得予應世之文章但為戲玩無盖 治心養性為本斯文之作妙盡心性之為只使朝夕薰 来乞子自書所作文盖范氏之志也子聞范氏其者文 自己乃知牛頭快說禪病免向野狐額下枉過一生 自成道種亦使覺死净坊諸禪子等讀之句的消歸 書劉禹錫浪淘沙竹枝歌楊柳枝詞各九首因版 其後

伏枕試令作墨潘遂為城眉史慶崇草此樂府二十七 界日倦舍中賓客既解丹意猶煩倦欲眠則畫熱不 長林巨石風飄水激張之墙壁助我本寂 自此不能漸書矣元符二年四月甲戌戎州城南能舍 運堂中書 威暑又臂痛書罷汗透絡風冰臂指老態百出 恐 題王清昭應宫圖 題宗成樹石 山谷川

舒定匹庫全書 一 景靈虚名既廣崇奉之制乃求之畫院盡用王清之繪 王清昭應官成以圖畫潤色墙壁當時大儒博極摩書 集天下名手為之宫成未幾火事一空比試考元豐間 書此等為戒罕書與人吾宗斌老授行法於文與可故 事名手若得客疏故事亦以廣異聞今但能事未畢也 元符三年三月我州無等院治翁借地所築稿木養中 討論軒轅以来出於趙氏而飛升度世者作此圖又 書遺道臻墨竹後與斌老

書此以助經營之萬 家石 安縣曰卷尾餘總願記歲時其两寅江瀬風静天日 SATE OF ALTER 縱實天下之奇作文湖州若在當絕倒矣山谷老人 朗故為書數行武老為余以兩幅寫東園病竹筆意放 卷建中靖國元年正月斌老遣小使持此来追余於江 元符三年十二月余将發戎州於百忙中為斌老書 書和晁無咎詩後與斌老 山谷別集 明

其賢於閉關謝客客十至而九不見豐其屋以為無 子孫三年之費者遠矣 有道人在終以告白夫人白於然的財賦功歲中以成 財作佛事以壽其子孫初欲作寢養於無等院之濡 古雖事業不同同於竭力以事其親其親白氏樂用其 司馬氏三子妹為酒為市且就學於京師泰家居奉甘 游龍水城南帖 生臺鉛跋 てこう… ここ 上下及乃出洞之南東還队洞口佃夫抢琴作賀若有 南樓来至則彦明及其弟彦昇在馬初至震雷欲雨既 龍水城南大雷雨後十里至廣化寺谿壑相注溝騰為 而晴朗燒燭人 草木茂密稻花發香即房明置酒招余及華陽花信 龍城歐陽個夫約清旦會於龍隱洞余三人借馬自 風祭於土囊音韻激越余與彦明甚賭大白彦明似 行也是日信中從佃夫授琴久之得數句洞南有喬 (洞中石壁皆雪濕道崖險路絕相扶将 山谷刘集

電好匹庫全書 黄某魯直時崇寧四年六月辛己 廣東西人用作雨衣柔韌家級勝青花也彦明者臨准 廣東盖號為烏欖猶邕贵問謂波斯橄欖云木威之葉 木威本草經無有宜州諸城 岩多有之風俗 取脈膽 華彦昇凡也信中名零個大名襄余者江西之脩 為緩盤中珍膳也項有饋命余不能暗也個夫曰 併櫚熟視葉問有實發生似橄欖問從者盖木威 海昏題名

文記事士書 一 脩 行豫章黃果會於海昏縣齊觀智顯寺竹林中所得顏 真觀道士王從政治石欲刻余書因書子之黃某記 是之壽嘆李公擇宰上之松已拱無不慨然元君云王 盡識座容談倉前褲木乃是數百年物材木也而能若 家壟斷砰清勁秀終李君出古編鐘其銘類及書不能 元祐八年春正月甲辰韓城元津建安胡勘沒儀李安 水黃果弟仲堪子粉梓椿相稅成都范温道人文演 禮思大禪師題名 山谷別集

朝 正月甲辰 元晚登秀江亭澄波古木使人得意於塵垢之外盖 利蚌中觀音相實玩溢目為書觀實軒三大字坐獨 来禮思大師閱三生藏問貝多梵字經二錫杖象刻 軒觀老松哭八於衆杉間本無起奉之意崇寧三月 奉郎新當途守黃某於崇寧元年四月丁未来謁叔 書吴叔元亭壁 僧俗書經夾有纖靡如蟻映光不可讀者及佛 牙

(12) 1 / Mary | | 從事譚處道俱来西山者盖郡西渡大蛭稍防山半竹 足者也仍為之賦詩余斬次韻點人載 間景 過兩奇絕耳 簡州景德寺覺範道人種竹於所居之東軒使君楊夢 某蒙恩西歸道出南浦太守高仲本置酒西山實與其 題其軒曰也足古人所謂但有歲寒心兩三三年也 題也足軒許載張章大集 西山南浦行記 石村有 山谷别集

都 金万工屋 喜事作東西二堂於茂林脩竹之問仲本以為不奢 柘養蔚之間水泉豬為大湖亭树環之有僧含五區其 江 **陋冬與而夏凉宜於游觀也建中靖國元年二月辛酉** 名名曰勒封院樓殿臺觀重複出沒煙霏之間而光 西望都耶林泉之勝莫與南浦争長者也寺僧文 西黃魯直題 在水此邦之人歲脩楔事於此凡發州 題浯溪崖壁 一道東望 聪 巫

久足日重人言! 故書遺長老新公便刻之崖壁以遺後人山谷老人書 余與陷介石选浯溪尋元次山遺跡如中與頌晤堂銘 字皆江華令瞿今問玉節篆筆畫深穩優於唐臺銘也 友之心最後於唐亭東崖披翦榛穢得次山銘刻數 百 右堂銘皆衆所共知也與介石徘徊其下實探干載尚 上冠雲亭可以忘歸 城元車雙升黃某同遊石門霜清水落山川高明掃 石門寺題名 山谷別集 盂

春陵尼悟超 墨劉之崖石耳脩水黃某字魯直諸子從行相稅招搭 老矣豈復能文强作數語惜秦少游已下世不得此 来又明日蕭褒及其弟裒来三日徘徊崖次請予賦詩 豫太醫成權及其好逸僧守能志觀德清義明崇廣俱 崇寧三年三月已卯風雨中来泊浯溪進士陶豫李格 伯新道遵同至中與領崖下明日居士蔣大年石君 中與領詩引並行記

黃某魯直等丹泛安樂溪上劉真人山同来者臨頹索 建中靖國元年正月晦合江今尹白宗愈原道率江西 游瀘州合江縣安樂山行記

歇而不清江安方山氣濁而不秀求山而清秀惟安樂 能来尉周世範表民以支軍康不至安樂山真人雅昇 繼萬希一點安文輝德夫主簿郭中子和以疾初起不 完也真人諱珍字善慶初上居此山曰僰道平山氣

山在别集

幸五

黃某楊雜祝林宗了賢慈元步自思蒙江與魚潭長老 **晉直書** 弟虽景山王箴元直蒲族庭臣石充君美史戡彦祖 金只口屋人 予於此實與外弟張祉介卿六祖禪師師範同来黃某 信孺置酒之明日九月甲子蒲志同泰亨與楊琳君全 圓亮来迎酌王泉乃上巖寺元符三年八月戊午 将出山晚晴諸军皆出 游中最行記 酌

钦至四重全言 更 極 湛君則張澥持遠自頃屢来常若晦冥是口天地開廓 烈日遣騎及澗泉以解渴石引 鍾陵黃魯直弟嗣直同道人唐坦之游三游洞與子 姪 協大同甥宋正臣端弼邀予携若来養王泉同来者楊 元符與很季秋之丁五尉張祉介郷及其兄號子無好 殺俱建中靖國元年二月庚寅往来皆休此寺正午 目千里黄某智直 題三游洞 山谷别集

山谷別集卷十一					名り正える事
	÷				卷十一

脚氣帖 欽定四庫全書 Ja. 10 ... 1. 1. 1 題跌 山谷別集卷十二 數朝脚氣 評釋長沙法帖十八條 **羽武帝書** 山谷别集 宋 黄庭堅 撰

臨 金只也走一全書 審行宏福帖 廢游甘泉帖 脚字微摹轉失筆 朝帖 昨日以下應是别日敕 只理會遼東一役 唐髙宗書 唐太宗書


望遠懸想帖 臣是下 喪到美陽須待伴比故遂簡絕有縁復相 伯英云吾上方崔杜不足下比羅趙有餘則序崔當 聞餐食白爱 作舉字 望遠懸想何日不熟捐棄漂沒不當行李又去春送 **此帖妙絕恐非怕婦漢所能** 漢張芝書 後漢崔子王書

くれし日 コーノーから 一丁

山谷別集

金りてた 即戎帖 闇空海帖 鸇字絶妙 如鸇 杜度張和遺墨逐不復見可嘆也 在張前 吴青州刺史皇泉書 魏鍾繇書 Ti piu


致身帖 7 R. D 100 險哀 足下所欲致身處尚在殿中王制正自欲不得許卿 省示具御辛酸之意吾甚憂勞此事亦不暫忘然書 險京句中險字乃摹損 殊異之遇 頑闍空薄加以年老凡百朽穢無所中宜特蒙哀待 晋丞相王導書 山谷別集



大熟帖 人のつう いか 昨見君歡帖 初 别者耳 月二日以下四帖 此數帖語不類晋人自初月以下十一行皆非右軍 晴便大熱小船中至不易可得過夏 而觸暑遠涉而失一點 手墨此或是集書時貴人戲作行布其問以待後之 山谷别集

謹此代申帖 金足口屋人 題右軍十七帖後 採藥帖 皆不甚遠故世有數本皆不同此帖全是廷誨筆意 疾患小差與宏遠俱臨運共寫懷 十七帖者必多臨本永禪師及虞世南褚廷齒臨寫 此已下八行是智永書之不藏者 如楊雄蜀都以下似拙工寫真但神痴耳

晋賊王敦 題右軍帖後 たれる ここ シロー 城公在官十年卒蜀人廟祠之 降以撫為孟州刺史彭模擊范責獲之孟州平封建 耳按周撫字道和穆帝永和三年桓温攻成都李勢 右軍與周盆州書凡三十許帖鈴次者誤置两卷中 八日當採藥至日欲共行也失一筆 晋丞相王敦書 山谷别集



家感帖 聚感字左妙	
第三帖	
毁當字作兩行可笑	·
晋太守上海書	
補吏部郎帖	
此下有十九字候置羊成書後	
文已日至人主日 山谷州集	*

餞行帖 屛風帖 別帖 自成放以從至開祖字當是虞永與少年時書 試求屏風遂不得 王曇首失一首字 王義之書 宋特進王曇書

服散帖 薄冷沈痼帖 大部回题_台中百 之筆法其語氣是隋唐問 薄冷以下至消息二十八字是歐陽率更書不但得 省卿書但有酸塞 闊別以下七行當是永禪師得意書也 王獻之書 王獻之書 Ų 山谷別集

鹅犀帖 金りたたん 忽動小行帖 惟爛木一概佛與衆生不別有時杖子學著直得 寅十月飯後来怖魔閣致平子禮端夫在馬鄉家 事者為之耳如貞觀初楊師道董可作此字元符戊 右軍寫經換鵝時子敬尚幻少必未能作簡此是好 字筆誤成十 跋白兆語後 たった

聖路絕 **炎定四軍全書** 雲巖西堂度夏舊莊主有出家免氣節有為衆竭力之 此白兆語也公能領此語則築室以自便與使冠盖 古人言心徑未通觸物成壅而欲避喧求静者盡世 之士聞桃花巖之風期而来者有所息豈遠相遠哉 未有其方前作桃花巖詩跃尾自有會意處士大夫 多傳之不可改也真蹟 書發願文後

此 草 移行及田野中人致紅蓮三十本各已熱息唯自籬 紹 遂書徹李白秋浦歌十五篇時小雨清潤十三日所 書 人因書此發願文贈之紹聖元年五月已酉山谷老 聖三年五月乙未新開小軒間與鳥相語殊樂戲作 書自草秋浦歌後 知事方圓一不合遂縮手抽問余深為雲巖惜失 株著籬裏似無生意盖十三日竹醉而使橙

而 學書人多好之惟錢穆父以為俗初聞之不能不嫌已 好老来漸媚慢無復此事人或以舊時意来乞作草語 杜鵑語為客談此客云此豈羊公鶴之苗裔即秦少将 之以今已不成書軟不聽信則為畫滿紙雖不復入俗 語故楊来然置之摩圍閣中時時作百蟲聲獨不復作 醉亦失其性矣知命自默江得一畫眉云頗能作杜鵑 自觀之誠如錢公語遂改度稍去俗氣既而人多不

久三日本人二百 一

山谷別集

.

亦不成書使錢公見之亦不知所以名之矣摩圍閣老

此 **舟於大雲倉之達觀臺下** 此草於趙升叔家殊妙於定本升叔伯時肾也時俱繁 アララモラ 元祐初作此詩題伯時所作陽關圖崇寧元年五月見 確論也余當申之曰結察而無間疼竊銘近之寬矣 坡云大字難於結密而無問小字難於寬綽而有餘 **()** 石刻有 書伯時陽關圖草後 書王周彦東坡帖 177 得其精而忘其粗者也周彦敦厚好學行其所聞求其 流俗人炙手求熱救溺取名者即盖見其內而忘其外 游多諱之矣而周彦萬里致醫藥以文字乞品目此豈 而有餘蘭亭近之若以篆文說之大字如李斯釋山碑 堂而畔之者非愚則做也當先生之棄海瀕其平生交 服者宣但中分魯國哉士之不游私氏之門與當升其 天下所謂青天白日奴隸亦知其清明者也心悅而誠 小字如先秦古器科斗文字東坡先生道義文章名滿

次定四事全書 一

山谷別集

笑語軍山之本拱矣眼中無復斯人使人惘然竟日因 蜀僧範公言長沙湯氏以石工擅名雅善得人筆意請 然未必知之也人不易知知人亦未易也有是哉元祐 友之而不可得者建中靖國元年正月乙酉書 肵 年四月在雙井永思堂檢舊書見元祐初簡記如接 原公威德之士識量絕諸公遠甚土大夫亦多愛之 願得意於寂寞之鄉邀樂於無臭味之處他日吾将 書平原公簡記後

學然山谷在點中時字多隨意曲折意到筆不到及来 安能得其髣髴即此書他日或可與或可作安石碎金 僰道舟中觀長年 選獎奉丁撥掉乃覺少進意之所 此皆山谷老人棄紙連山唐坦之編級為藏書可謂唱 且為携入為山調設之二十五日丙寅某書石利 範公因行李携示之平原公書亦自難識或不解此意 能用筆然比之古人入則重規疊知出則幹較絕塵 **跋唐道人編余草葉**

次定四年人

山谷刚集

見愛者或謂不然不見愛者或比余為鍾離景伯即 字雖多余不倦也 諸葛元筆研不滞墨墨不凝筆但觀者如墻殊增暑氣 建中靖國元年四月丙午承天寺經藏南武金崖石研 元 章雖為外兄弟其清脩好學草木臭味自同索全作 再跋 **欧朱應仲罨 元祐問大書淵明詩贈周元章** (1) The

書字倍從增勝復於范君仲處見東坡惠州自書所和 觀十年前書似非我筆墨耳年衰病侵百事不進惟覺 君又能參其義知五蘊皆空以游世不落煩慍濁中則 李樂道為親而書馬潤之為親而傳則皆美意也使二 所以為其親者又更至馬韓退之云喧譁不滿眼咎責 陷今詩一卷詩與書皆奔映絕塵不可追及又恨然自 失也建中靖國元年四月已未 **跋樂道心經**

文三日 三十二日

山谷别集

ノニアモール 塞兩儀此不見色空即是空界也 唐書天文地理律歷五行志皆仲更所定諸公但仰成 某十五六時游學淮南問晋城劉仲更以多聞强識得 顏接群當以為恨頃歲蒙思入私書省私書省官皆天 近世不傳之學為大儒歐陽文忠公宋景文公所稱賞 下選求如仲更之學術深密者盖鮮今觀遺草為之當 已仲更位甲年不壽不及翱翔於中朝賤生不及承 **趿王子予外祖劉仲更墨贖** Ī

可想見 劉夢得作竹枝歌九章余從容發州歌之風聲氣俗皆 樂府之将帥也 劉賓客柳枝詞雖乏曹劉陸機左思之豪壮自為齊深 涕建中靖國元年五月癸未故太史氏黃某書 人二日 四人二十二 趿竹枝歌 趿栁枝詞書紙扇 又書自草竹枝歌後 山谷別集

今 ラセガ 二世 此潛伏不聞豈所謂藏其狂言以死者乎 劉夢得竹枝九篇盖詩人中工道人意中事者也使白 王晉卿畫水石雲林縹鄉風埃之外他日當不處小李 居易張籍為之未必能也石刻 批見石霜悟巧拙語遂能窮佛根源此異人也然自 軍其作樂府長短句选踔之語而清麗幽遠工在江 跋王晉卿墨晴 政張拙 項題 唐履枕屏

皆頓進所謂後生可畏者乎 既論天下根本所言件君相按劍之意謫江州司馬數)余往来三游洞下未當不想見其人門人唐履因請 諸賢季孟之間近見書戒煙院佛閣碑文句與筆畫 和初盗殺武丞相於通衛樂天以養善大夫是日上 平淮西之明年乃遷忠州刺史觀其言行藹然君子 **跃自書樂天三游洞序**

欠三日三人子

書樂天序列之夷陵向賓聞之欣然買石具其貴遂與

山谷別集

知 金万里屋人一 知命作樂府長短句及小詩皆清告愁絕可傳可玩非 翁題 日見此書心欲落也建中清國元年七月二十五日活 建中請國元年七月治翁題 年不五十速成丘山觀其平時規摹不自謂止此今 命弟學魯公東西林碑陰字殊有 院能文者所能勞輸也十月癸卯再觀乃書而歸 **政知命弟與鄭幾道駐泊簡** 種風氣恨未道

鄭幾道 右少游發郴州四横州多頗有所屬而作語意極似劉 てれるコッシーへから 夢得楚蜀間詩也 柳山為誰流下瀟湘去 霧失樓臺月迷津渡桃源腸斷無尋處可堪孤館 春寒杜鹃聲裏斜陽暮 驛寄梅花魚傳尺素砌成此恨無重數郴江幸自遠 趿秦少游踏莎行 山谷別集 支 閉

£ 金厂口 君王流落在外轉守七郡意不能無觖望然終篇所 地 似為執政者不悅上獨憐之即 相 顔 把鈿筝重促柱無緒酒闌清波滴朱紅賴有玉人 酒花前欲問天春来秋去苦茫然風雨滿枝花滿 何事却教織草占流年 跋王君王定風波 跃老杜病後遇王倚飲贈歌 好輕笑却疑春色在嬋娟 八里 をこりることは 建中靖國元年八月二十二日沙頭荆江亭北軒下書 恩意傾倒不减元叔時以其爱我者故盡言借太白以規之 此詩以為謝 不得見者荆州士大夫之憎語殆未必然然仲良於今 元章兄弟為余所霜繪遂能加飯一括摩<u></u> 狼費戲書 叔無恙時賓客至者如歸或傳仲良作冢宰客或有 **跋季太白於五松山贈南陵常葡府** 跋馬忠玉詩曲字 上公别集 *

金少口五人 草草盖致古人詩磊磊在其曾中亦善題評至其作 府長短句能道人意中事宛轉愁切自是佳作 歐 能字鍾陵黄某題 其文章議論一世所宗書又不惡自足傳百世也建中 忠王翰墨頗有勁氣似李西臺但少妍耳詩句亦不 陽文忠公書不極工然喜論古今書故晚年亦少進 國元年冬至觀於荆州沙市舟中雪晴大寒捉筆不 跋永权與挺之郎中及憶滁州 幽谷詩 7

15/m2000 10 10/20 H 龍丘子陳慥季常之別號也作無愁可解東坡為作序 書故書遗之 市之士其子鑄多禪學道不樂火宅之樂因余姪樣求 皆古人沃衆生業火之具余聞王正仲閉關不交 而世人因號東坡為龍丘所謂盖有不知而作之者 **跋東坡長短句 跋寒山詩贈王正仲 跋净照禪師真賛** 山谷別集 ŧ 朝

金牙匹尼一生言 净照禪師淨因寺臻道人也東坡則翰林燕子瞻往歲 其弟您素同郡李元中求志於龍眠山淮南號為龍眠 既其實今既龍服寫照東坡作偈此話乃大行政尾 知之者子當作真赞云猛虎無齒卧龍不吟風林莫過 三李者也淨照老人恬淡少為作寺各僻在西南人罕 官黄州當居江上之東坡龍眠盖廬江李伯時頃與 少年日也解東金西抹来人以其近俳也笑其能不 合雲陰遠山作眉紅杏腮嫁與春風不用媒阿婆:

黃龍堂頭心禪師法中龍象末世人天正眼也其蒲團 禪板軍持應器尚可需其福惠莊嚴之澤沢其未滅度 知為已之學先行其言而後從之者也他日聲名烜赫 公 是日不約而集 元祐三年冬至前一日南昌黄某書 而所為不録録然後余言可信矣 王觀復歐陽元老高子勉三君子者雖事業不同要皆 改王觀復歐陽元老高子勉簡 跋心禪師與承天監院守壞手齒

次足の車へ言

V

山谷別集

とうして 此東坡先生合浦所作詩墨跡在歐陽薛夫家有兒時 秘家盖如此崇寧元年正月甲戌黄某題 子盲無慧目自作野狐伎者輒出示之使知前輩平易 石琅琅聽之使人安樂因為作草 幾十四未知来訪余一日碼紹先張昌裔見過誦之 月中翰墨遇教即政可收藏以為傳後之杜撰 **踒自草東坡詩 跋周越書後** 釋

坡先生下世故今老僕作此無顧忌語後生可畏安知 便覺行問我家去古人不遠矣何止獨行於今代即建 周子發下筆沉著是古人法若使筆意姿媚似熱子 来者不如今者特戲言耳 2 x. 17 . x / 1. 1. 中靖國元年十月沙市舟中晚日入窓松花泛研愛 精國元年九月乙五荆江亭下舟中書 金屑鉄澤因為邦直作草順覺去古人不遠然念東 **跌自草與劉邦直** 山谷別集 九

金万匹是人 建中靖國元年二月丁巴晚下羣猪灘未滅燭為孫惇 建中端國元年二月丁巴下土淄灘小舟雙糖傲八令 夫作此草忽勿賓客時誠不暇作矣 予曩時上七祖山極愛其山川故為予友元翁作此詩 眼花書字不成站時 書次韻周元翁游青原山寺後 **跋草書子美詩後 跋草書子美長 韻後**

文定四年至19 真右 蹟見 此二詩使来者得觀馬其後各解官去不果刺海昏王 亦請予賦詩詩日避世一丘壑似漁非世漁獨尋嘉椅 子駿以生絹来乞書子駿於余外家有連故書子之 頌不遇子公書節歲林塘晚然縣歲月除安知冶容子 又出上方之南得古釣莹嘉逐世不見其光輝者元翁 青石板刻而送之祖山亦一段奇事南昌黄庭堅書 袖拉前魚元翁曰青原遺跡但有顏公大字當并刻 山谷别集 Ŧ

當然夫人不納族人之議從夫於南平此足以厚薄 其美於女子耳余當病今世士大夫家既去父母而 余觀長安君捆內之法知其外家淵源必有積累或鍾 行之可謂健婦矣所聞不出房體乃能故手足而不亂 矣至於救人急難决事可否皆男子之事而長安君 矣及其夫得官於瘴腐之鄉妻輛不隨世俗亦以為 何其難也 書程夫人墓誌後 從 躬

余三十年前欽兼聖俞詩句之高妙未及識面而聖俞 毫勁多似之往時惟唐林夫學書知古人筆意少所許 顔尚書真行造次為之便欲窮本晚乃喜李北海書其 CANDON LAND 刻石 可甚愛東坡書此與泛泛好惡者不可同年而語矣枯 **披少時規摹徐會稽筆園而姿媚有餘中年喜臨寫 跋東坡自書所賦詩** 跋梅聖俞贈歐陽晦夫詩 山谷别集

金ケセンハノーを 某题 沈宜在丘壑中也用星俞之律作詩數千篇今世雖已 元祐已已與午乃見歐陽君於京師其人長嚴眉目深 里中桂林主人今甚好文晦夫行矣往游幕府作嘉客 不尚而晦天自信確然今當為據龔州待歲月於桂林 下世二十年前官於汝州葉縣聞歐陽君學詩於聖命 得贈行詩而葉人能誦其詩歐陽君已行又不及識 獨過家上家為可樂也元祐五年正月二十一日黄

次足日年全島 一 虚得也泊船驛步門與德淵官解相近時時相過奔走 莊法院僧堂中齊起受温浴浴罷書此卷以解俸 接得夾山水灑不著崇寧元年四月已五飯於洋鄉 船子和尚歌漁父語意清新道人家風處處出現所以 開封張德淵號為有急難之義予晚識之於長沙名不 ,所関如有人輓其前推其後也他日持此卷来乞書 書船子和尚歌後 趿岩寒竹 山谷别集

决是奈何朱公對曰臣鄙人也不知當微雖然臣之家 有二白璧其色相如也其徑相如也其澤相如也然其 會舟子作歲除未能行舟中無他緣偶得意書盡崇寧 而 梁王曰陶朱公以布衣富体國是必有 奇智廼召朱公 梁常有疑狱羣臣半以為當罪半以為無罪雖王亦疑 二年十二月晦山谷老人書音陵九氏 問曰有疑獄於此國以為當罪者半寡人亦疑吾子 てした 書朱暉傅後

吾當想見其人如朱文季可謂天下長者非即吾宗 以干金梁王曰善故獄疑則從去賞疑則從與梁國大 酸厚之在人可謂美德矣鄭當時未嘗不言天下長者 てこうる **悅盖墙薄則亟壞繪薄則亟裂器薄則亟毀酒薄則亟** 不如載之行事潤父以為何如潤父孫樸於 方喟然有尚友之意而比来學士大夫持論甚高余 者干金 一者五百金何也朱公曰側而視之一者厚倍是 者五百金王曰徑與色澤相如也 山谷列集 潤

7. 2.

蜂蜜和柘漿飲之使人淡問所謂厚而濁甘而歲者也 荆州公厨酒之尊贵者曰錦江春其色味如蜀中之小 金牙口尼人言 士大夫家喜作菜豆麵酒幾與水竟同色然使人飲 以米入漿不待味極酸而此故但甘而不辛又用麵少 之釀合去四短合用四長則為佳醖矣大縣錦江春 與轟轟客人食眠所謂清而簿辛而螫者也誠使 不能折甘味其濁則不待酷熟而榨耳策互麵投 書安樂泉酒頌後

文でJune Aithio 哉 盖雖天底四十萬疋亦難得全材耳今天下以孤蹄棄 職可勝歎哉 富川具氏於 太多又不以麥蘖折其辛味故也若斗取六升豈有薄 傳右 家 題韓幹御馬圖 9 山谷别品

山谷别集卷十二				全与电影人
				卷十二

豈敢望教伏蒙開納衣被以道至極温厚瞻拜孔德之 欽定四庫全書 こんこうこん しょう 容慰適小人之願幸甚蒙慰齒勞苦非晚學孤生之所 某項首再拜致政宣徽少師閣下某不肯懼不給使令 書簡 山谷别集卷十三 謝張宣做書 山西川県 宋 黄庭堅 撰

金グ四屋とこ 晴暖從門生免姪扶杖逍遥林麓水泉之間忽不知日 阀 某损首改項辱恵書勤懇問居多病人事廢絕遇風日 宜蒙惟閱盛徳之聲色於不有倚富贵於几杖之外而 月之成歲以是久不報書專人来又蒙機記累紙存問 生之經河潤九里不但小人蒙福也謹上状皇恐皇恐 答李材書 豈派俗之情哉顧氣淺能薄夙 之意暑氣煩溽不敢再造癬館 闕

孟勒伏承偃息田里侍奉吉慶鄉鄰父兄雞酒日至何 てれいる かま **舊同僚惟吕東王在亦逼代矣守俘見不數然意乃鄭** 餘枯木寒灰未委溝壑無陷會集惟有即情千萬進學 重皆清慎不擾不易得也某杜門終歲益覺清淨時苦 不肖到點中三年所未有也不審南充冬候何如此 慰如之今歲點中霜雪早寒數日来雪欲及摩圍之養 問比開為凌雲疏請或被逼往往復来此也竄逐之 生抱經来咨問尚俗氣未除耳範公去己十月不得 山谷别集 方

之 閒 畜極以須陞用使二親引見之 金与口尼己言 望於左右謹勒手状於傳 某 愜 間 再拜比蒙賜教勤慰審治郡威嚴內外斬斬齊閣安 恨數含無緣參候爾於不肖有所聞教之篇之乃所 頗與僚佐尊酒謝江山之勝何慰如之某自放林壑 與 答從聖書 問居益有味免好到眼前遠者常得安問題 邢和叔書二 ひ 自

某預首至親中失公擇華老二德人哀念不可忘頃来 韋 優失長者可勝歎即今年来百事慵懶惟思江湖深 蘓 緒當情機能或不省識也方今人物助然而朝 勝處沉疴當脫以去體有新詩數見寄為佳因来乞 氏 梁縣頗安職每得安問也令嗣安勝詩人得在 江 以藏拙養愚但事勢有未得者耳公相知察故及此 州集得差厚紙印之幸甚燭下眼溢十字九季幸 Ī 上るり来 廷 渺

第5世庫在·世 股察在家藏 某啓雅聞豪士之風恨未接致曲今者放逐顛沛不意 某魔逐孤危之迹情實可知避逅長者監郡幸獲卷展 州鹽鋪兵十餘及建始借白直數人勢須以煩使部不 理鎮静蠻夏肅然宴居閒安百福所集某行李中有貴 乃有參對之幸寒暄未節不審即日尊候何如伏惟監 可得否到城參候更當咨稟 與通判通直書二

文三四華之言 一 奉狀不能萬一願珍謹眠食以須寵禄 尊候何如伏惟監理豫暇時能樽酒以對江山代者不 旅沢無瑣瑣之態感服之情未易言也寒腝不常不審 界幅存門勤慰叙示先君畴昔舉送之舊豈勝感念即 某竄逐窮鄉惟恐舊蔚之不深不復與人事乃辱賜教 有車音否某蒙資致行李之力已及貶所人事方匆匆 承高明特達以場屋一日之分顧盼存恤思意甚備使 與幕府書二 山谷別集

濟所之仍承誨諭奉煩鄙事已措置有緒感剌感剌所 書達人惟因行李相見或及人物乃敢開道之耳此意 云連蹇仕途實深歎息當路諸公頗求真材實廉之意 某頓首方欲遣記問秦瑜所附書信忽奉来鋂喜承即 緣會集干萬珍重 日霜寒不審尊候何如幕府省文書當有樽組之樂木 日 霜寒王事不至勞勤體力輕安寄惠家危所作醬極 不相遺但棄捐漂没不能致人輕重亦不能率爾作 7: 111

荷存問慰此瞻思承諭游意於塵埃之外得妙手於子 從食南北缺然音問不通者十有餘年矣忽奉来教插 願附名於不朽然法不孤起仗景方生此公之所聞 磬之斧斤又辱推許以學古之意欲偏為諸琴品藻誠 夕遣四黄甘者別上狀千萬珍重 公所了了也然成就自有時馬鳴而馬應之非智也旦 **顿首再拜少同里開又接懿親科場中墨同緒言而** 田張益老求琴銘書

スプロット人には

山石別集

グラフトを 馬游馬之義也 房之用輕流輕流来早今三子就學惟煩訓勵之以嚴 暖伏想體力勝健龍尾研自作墨各一宣筆四漫助文 某類首義旦辱惠顧適有他客不能延款甚愧天氣和 今日幸陰京諸生事業皆辨謾携琴至草堂亦住亦息 久之乃不貴力古者易子而教之盖欲用威也 要須俟他日得 與張道濟帖二 披拂乃可下筆人還匆匆上狀

某伏奉手誨審宴居不爽衛生之理體力甚健良慰懷 能奉致語以觀所聞惟有耻情伏其强學自重謹勒於 尚獨能尋寂寞文字之樂徒恨憂居日從事於室穷未 因 某叩頭頃辱報書甚勤懇來人不取答遂行目前多故 循至今秋氣差冷不審體力何似雅聞公有山水清 與胡逸老書九

欠己日うします!

想今歲秋暑常多病老態百出殊覺不甚耐也廣夏虚

山谷別集

堂想不知莲草順溽之味比来何似終日頗復撥棄 草盡在怡偲閣夜中不能取可候他日也此絹軸用攀 某項唇車馬来助給事叔父葬事事緒叢胜不能致由 風泉溜擊觸筆意揮寫略偏今遣上二短軸欲寫鄙 アララト 留賢者於今以為愧霜寒天氣晴明伏想日用安和 近書册否東坡集偶有兩部輔分其 秋後見過拂榻鋤運奉遲足音也 何以為樂頗得新書畫否所留卷軸偶夜宿上堂松 人と言 助藏書承許 俗

文字與羅漢南老早得来免沒納短卷耳晨起手俸奉 某頓首惠及劉氏樂府亦好書頗助寡聞也建盞政須 狀草率不宣 用田宗字印義亦叶矣戲虎屏漫作替如此不知可否 宗陳宗猶田宗也胡氏出於舜後胡公滿有陳國者也 極中節頗令人喜書如所背高軸幸惠一 問田宗印益出於史記齊世家子行曰需事之賊也 非田宗所不殺子者有如田宗又曰子我盟諸田於陳 軸欲寫

TO COLD TO A COLD IN

山谷別集

金岁口压人 比還雲嚴理法帖所領老杜詩且留不妨傷日所間虚 得韓幹二十餘馬及閣立本十二國 圖皆比住物何時 有意思近為王良翰携去恨公不一見也良翰又為案 淺比来讀之多解其趣然常以頻倦不能隨手抄記若 所貴不必以為嫌也 日得服當以蕪州本隨處誌記也前欲作黃庭草因 能强行来一觀即公来但同益老諸人與飯董素皆 田吕三十六有一軸網在案上因一夜草得黄庭珠

滿重煩稱謝何愧如之癰方潰臂作勞斬痛極草草 くろうご 欲 明十四日遂行但恐公未即来然已拂榻奉候矣所喻 某項首僕夫四唇手齒審宴居體力勝健良慰懷想元 欲作俗禮使賓不暖席耳雖然得君子淹留意亦不甚 某頓首前辱車馬甚動而賓客冷落饌具單薄政以不 寫周與嗣千字於公何所不可然常嫌千字太鄙俚若 法近世性張長史僧懷素時時作數字耳其餘皆俗 刘石用高尺許卷軸草黄庭亦可耳草書大字古無). i.a. 10/ 山瓜门集

金厂巴屋之書 草小字今法帖中有張芝書狀二十許行索靖急於草 數行清絕瘦勁雖王家父子當斂手者也公必欲求善 少慰大草殊非古古人但作小草爾故有意學草當學 某預首寒燠不節此来體力何似益老得從容癬館想 書也公好書如嗜欲要須蟬蛇塵埃之間玩思高古乃 欲學草書當求智永干字文五百許字其半王著足成 工列字當奉為書小草黃庭須得意軟作數行耳今日 可以垂世傳後耳方治元明行豪奉狀草草

霍滿節又以為恨早来衝冒風寒體力佳否承手齒勤 者此小草乃無俗氣爾餘不足學也 懇威魁所須諸字若得服一日之功或無思則數月要 某顿首比辱車馬肯淹留良以為慰共飯莲雚之問藜 麼有麼 經反觀自足是何道理既為大丈夫項有大丈夫事有 某顿首承遂歸心於蟬蚁何慰如之可試看楞嚴圓覺 須殺麟於未發前耳天氣昏濁亦增老倦奉答草草) **家右** 停皆 山谷川

情深耿耿鄂渚漢陽乃得相從甚思十年之意行日馳 某板首再拜梅权發運吏部九兄閣下黄州一面而别 金丘匹庫全言 並得紫萬糟薑敬佩不忘之意別来未承近問懷仰曷 至江滸承已涉大江但望風馳情耳江夏送到所惠教 黄州幸得一面謂可追舟尾得疑語至武口承大旆口 已謹附承動静願加珍嗇謹勒手状 這勝恨仰霜冷不審尊候何如過湖不驚恐否子舍 與劉晦叔書二

草問不忘數息所以不作書者往時奉九書而不報 鄂州遂做屋寓舍諸亦粗遣去雙井才七程耳方阻瞻 老於世故文法當迎刃理解但以詩酒謝江山耳某至 想皆勝健學問皆有日新之功潭府從来號為少事只 PORTO IN ALL IN 別来兩唇書荷恩鄉終始不渝方其與魑魅為羣竊伏 承臨書耿耿謹勒手状伏祈為國自重者在又日 不愠在棄捐中宜相貸也奉十二月二十四日手齒 與李端权二 山谷川県 右得之其孫 伯

数何時預此清集不肖鬚鬢已白十八九短髮幾不可 會聚求田問含頗有之亦未如意耳小兒娶婦尚未得 累日想見傲晚萬物之容承官服每從蕪黃門引領欽 復至荆州乃趨太平前此計尚得偷問得書數幅開闔 乃差健遂不敢再請宮祠三兩日暫到雙井二月末後 **连在官事事此雅所期左右者更願守心如珠守口如** 不怒而如動乃知德人之度久而愈深也又知不如幸 爾某多病早衰百事不堪向蒙恩遂便郡之請冬後

金人口屋人

似少年時都下夢也但多病之餘媚作詩耳公此来亦 能聲後作度州獄官監司亦知渠恪而解事然非在黔 孫女子今已三生矣知命二男三女似有可望者三女 游戲翰墨間耶或傳陳復常病且死豈有是乎比得 數日来縣暖瑞香水仙紅梅威開明窓淨室花氣撩 戎時語也老来嫡作文但傳得東坡及少游境外文時 微吟清風風然顧同味者難得耳 已嫁其仲亦咄咄逼人矣元明在萍鄉甚安亦有吏

金定匹库全言 當相離也雖古之元聖大智有能立於八風之外者乎 但公不識耳方叔安否 所論上黨風俗可病何時不然八風與四威儀動靜 斷此事當付之黨彦進黨在許昌有說話客請見問 對韓信亦說我矣即公不聞洗耳而已 何事曰說韓信即杖之左右問其故黨曰對我說韓 一詩人高荷極有筆力使之陵屬中州恐不减見張 答俞卡洪範帖

仁之心訟庭寂然縣蘇燕處有以自误聞代者已在湖 修問即日初暑不審何如伏惟平易之政民有畏罪懷 少人事窘迫人作南方數處書故未暇耳 是麤為一為二便可得之若要作記俟他日從容適有 後忽復春夏哀苦窮窘多病嬰纏日力不自給久矣 一之說筆下未能盡試熟思之日用應世務者是精 答黎選梅权書 與吕晋父帖三

久足日車一時

上谷別族

禮數過當雖懷哉勒重然甚快人不敢承也比以丹梅 灌林影水聲可以永日恨公不能来爾雙井四瓶皆今 比唇車騎臨顧思意良厚適到家日苦賓客看具非薄 年極做者又玉沙步一斤以調發白芽然此品自住氣 不足淹留君子於今愧悚比方掃除嚴下草堂日親勘 冬頗暖而雨天氣未住不審比来何似伏奉殷記累幅 但未得過梅香色味皆全爾公著意兹想不可欺也 印想必有期遂有相遠之數臨書增懷

苦安能如是欽服高誼大不可言不肖於公家伯仲有 大人の 屋 かっ 問寢鳝宜適哀苦癯齊雪寒手凍上状不如禮伏幸痛 繭然山食無緣冬候伏惟豈弟之政田里所安縣齊虚 未治淹留意緒殊不住遠承津遣開濟行李非仁哀孙 不能一通記問今者遭罹大故護喪葬田舍道出貴部 日之雅又徳占家復縣瓜葛徒以未當得望優爲故 與鄭彦能帖 山谷別集

子及下五二章 服攻擊之劑調飲食之味日向痊矣赤石脂末二錢半 病中聞告下痢甚憂甚憂昨日見顏色知向安矣但少 白麵二兩半切三刀子軟煮調和去清汁食之胡給事 九薑湯下桃紅丸赤石脂二两細研炮製乾薑末二錢 神麵二两炒為末湯浸蒸餅為凡梧桐子大每服二十 和与湯浸蒸餅凡如梧桐子大每服百粒濃粥飲下日 云虚勞人不過兩服即成藏府矣河魚九用大芎二兩 一服可也

南 贵部皆蒙劳来甚勤久欲通書道謝而冥頑困於簿領 Stanton Late **港除耳未縁參對惟真自重以須百禄謹奉状** 清齊問時有文酒之樂某竊食於此無以庇民樣被待 **级至今即日不審何如伏惟邑里安於豈弟行欲肅** 再拜奉別忽復八年雖於親舊問時聞動静而奔走 北無緣作記以脩嚮住惟攀仰不忘爾昨兄弟往来 與 與叔老書 王及之野良帖 Ĩ 山谷别集

金万正是一个書 某損首前辱車騎屈臨匆匆未能参便重承書詞稱述 得面如相避然爾後日欲通音記屬親老比来多小不 某再拜項者使節入城數屈車騎不肖屢造館舍終不 之春秋論策借留熟觀對客上答不如禮 如 耳高文三編蒙不以交淺傾困賜之恩意甚厚爛然盈 目未能得其味但欽仰爾繡川集計多有本縣乞取藏 後進見先進之禮不肖自視敏然實不敢當但愧恐 與 郭明叔提舉書 古家

勞動左右經史何慰如之某蒙恩東歸方爾暌遠臨書 快人間書尺十常九廢也伏蒙賜教不忘感激感激長 1 / NI / DI HOL / 1 1-10 能擀之石刻 浮雲之去来鼓鐘於宮聲聞於外夫忠信孝友之實熟 者淹留在外追獨故人所數克動小物以道為準以聽 詳悉動静殊恨未相識也專人辱書動懇審王事不至 **顿首項者與園明欽曲極道足下詞學之美潮音来** 與元陟皆府書三 山谷別集 士五

懷仰干萬珍重十二月十三日 者也住宦當患無師友如此士在旁近殊不易得也 問意氣骨肉皆當即在臺閣此青雲之士可以附千里 彭山風物亦佳否子思在永豐數得相見否其文章學 公亦有相知能為引重者乎石刻 **圆明塔銘出於迫猝不能盡其美質顧其大縣不您其** 生所存耳祭文中具之者銘中更不複出也當路諸 與李承之主簿書二

美恨未相識也乃辱專使惠書至意倾寫不見鄙外幸 次足の事人言 豈易得也至於推與不肖在先達君子之列則不敢當 於古人士之不自重久矣觀足下所見教者能充其言 甚幸甚告以從来問學之意知足下不泊於流俗求配 某頓首自荆州来省伯氏於仁里聞足下鄉黨之譽甚 臭味相投否一舍相望無階偷敬謹奉手状 聞醴陵巖邑民煩嚣訟佐邑想亦少 彈而求鶏矣似足下之過也夏氣暄濁此来日用 山谷别集 服日同僚為誰 夫 何

仕之日早又不得明師畏友琢磨成就之故暖妹以 倦也故相為言之耳含第仲堪尉衙山輒有一書幸指 得為足而不免於宋荣子之笑也觀足下學問之氣不 倒康以界之知足下好學絕人遠甚矣士當苦質故從 有餘住作也與足下無一日之雅而辱不愛珠玉傾困 揮窩遞達之 **頓首恵賜新作** 與李少文書 した事 緺 撥忙三四讀之務當求是論議

とうしつ しょう 學自重讀論語孟子取其切於人事者求諸已躬改過 必每得安書也吾姪性資開爽他日必不居人後惟强 某辱書動重知六縣君及諸妹安勝為慰四哥往親迎 亦嚴火禁處處豬水以應星變示脩人事敬畏之意前 急作書遣此僕還極草草千萬自珍自愛 遷善勿今小過在已則善矣適得報當除名魔宜州故 示喻養除四衛甚蠲潔料才者必爾漫及之爾想比来 與趙都監帖二 上谷別集

伏暑稍易堪夜中清冷美睡想殊得所但當深思寶養 金牙口一人 欲作界方亦不必挑柳但得擒木之類亦可有木工 所 萬年數乃相當也一處漫書一卷大字去来陽茶確躬 王體立功名爾所寄尺六觀音紙欲書樂府似大不韻 更 如此樂府卷子須鎮殿將軍與大夫娘對引角盆高揭 日可得二两許未能足得瓶子且寄雨小囊可碾羅畢 桃柳曲尺求一枚比裁紙之佳器也 熟碾數百點自浮花泛乳可喜也須佳紙當奉寄宜

次 三百重全書 田矣鄙事溷高明悚惕 某再拜前日得以挹子瞻拜下風所得過於所聞實自 作城中二三書郵煩借一 仹 俗樂府得服當用小機作一卷子去后時 開慰時往来屈旌柿賓錢寶自不遑春氣暄暖不審尊 何如細民不能不辨爭伏惟刃迎縷解終日無事欲 紙只是包裹材器耳彼易得藿香草豆卷否所須通 與分寧蕭宰書五 山谷別集 小吏能寫機啓者一日即遣

随指減柴節之害感悚感悚 信不能成此法緣欽敦欽數雙井弟姪雖每丁寧不知 還雲巖道泉當雅雅肅肅亦助道化不淺也非高明忠 山清公棄黃龍而去事勢當爾盖妙道非悠悠者所知 伏想政成民信邑廷事益清簡時有文酒之樂以謝江 而病廢之聲已滿江西黃龍甘餌欲者甚衆耳新公復 項間盛徳之聲而願見既獲承緒餘淹觀風度更得 不以事風庭下否每深快惕也張損郭西水磑聞得

為物簿可比沼沚之毛益藻之菜當不以邑子有獻為 萬福茶一年才 可飲五七客乃今年雙井蒸芽第一其 龍潭遇大雨遂宿法昌山未能作機記乃奉手齒存問 懷仁抱義之實恨參對之晚也薄於事緒草草上道又 思意甚厚感感激激雨意未解不審尊候何如謹奉手 承營從渡江将之顧鄙薄何以承此勤重實深悚惕至 旦重屈軒蓋未獲造館下陳陽陳陽即辰伏惟起居

欠了三二八書

山谷别集

所謂 惟空雖復徹底惟空大用繁興無不重規疊矩此是本 嬿 全天正是 僧之命脉今江湖淮浙莫居二禪之右者公開此法 ž 得春風花不開者也不審頗延二道人鑽研此事否 不從人得雖待心華發明又須得明眼人為證所謂 承再請新公住雲嚴復留清公西堂坐夏此二公初 不煩絕削而自合者也現前無量皆宗於此徹底 調惟此一事實其餘可不學而能之也完率照 とうも 卷十三

盖欲深明已事關百聖而不愧質鬼神而無疑故於彼 某再拜前唇書勤懸衰病老媚久不脩問惟是懷仰 <u></u> 森右 蹟見 公誠如所諭形固可使如稿木心固可使如死灰者也 於深山窮谷非為山川之美與不交世事無憂患而已 蕭洒人與之發明此道否古之人不從流俗之沒自放 日不動関餘涉冬天氣小冷比來日用何如亦得世外 **答王子厚書四**

次定四軍全書

山谷别集

珍重 寄惠我喝笋及梅菜等荷不倦之意然笋以密封皆敗 二榜匆級書不能工設住石洞忽告行奉書草草干萬 畫妙絕亦不敢取但欲獨觀公家所藏耳須至樂豹隱 唇書勤懇審秋来益得意於江山日用清勝何慰如之 有所不願耳承山齊頗有書籍時亦起其義味即石恪 可惜也借示石格畫一軸此天下妙筆也熟觀之動 爽也宋純時果染色極似趙昌枝葉乃似過之王友

文已日百人二日 亦不必收本來格不高耳不審有孫大古佛像鬼神及 煮湯烹試之然後知此詩未稱雙井風味耳未卜面會 雙井可精洗石磑曬乾頻轉少下茶白如飛羅麵乃善 詩詞意未當雙井之價或恐非文忠所作今分上去年 所寄卷軸老人下筆不喜循界道卷終又寫不盡斬以 惟希珍重謹勒手状 **潍鷺為黃否有之俱欲借觀也所寄歐陽文忠雙井** 夫雖到脫酒處盖不及也然花木之類直得真趙昌 上谷別集

中每用手頓之盡篩去白毛並簡去茶子乃強之則茶 熱湯才沸即點草茶另不比建溪項用熟沸湯也住當 髙之意雙井法當以蘆布作中聚厚垍蓋一隻置茶其 伏承易名以避處冲甚善然宽字亦未甚好斬欲易貴 色味皆勝也點時淨濯瓶注甘冷泉熟火煮盤協蓋今 名為樸可否既與子學字合又王樸周世宗朝名相其 作建溪茶曲不審見之否或未見後當寄也 紙續之但如此亦自不凡耳二頌語拙意 随謾枉仰

₹NUOn Chinton ■ 山谷別集				
谷別集				

山谷别集卷十三				方でだり
七十三				塞十三
		·		